



## Future-proofing our children

Sekolo sa Tshipi 1

Setlhogo

Maatla a tumelo

# Mokaedi wa batsadi

## Sekolo sa Tshipi ithutelo lapeng

## Go Motsadi

O amogelesegile mo "Maatla a tumelo" Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e

**O ka ipaakanya le go ruta thuto e jang**

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: <a href="https://www.nac-sa.org.za/nac-sa-home/nac-sa-pastoral/sunday-school.html">https://www.nac-sa.org.za/nac-sa-home/nac-sa-pastoral/sunday-school.html</a>
2.	Kgobokanya di dirisiwa tse di latelang go netefatsa fa o ipaakanyeditse thuto e: <ul style="list-style-type: none"><li>• Baebele</li><li>• Mokwalo wa thuto wa PDF o o setseng o baakantswe.</li><li>• Pena, metako le lekwalo la ngwana, etc.</li><li>• Setshwantsho sa motshikhinyego se se leng thuso e nngwe</li><li>• Katakasima le Dipotso le dikgarabo (bogolo jang mo batlhomamisiweng)</li></ul> <p><i>Ela tlhoko:</i></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i></p> <p>2.3: Thuto e lebaganye ( SS1, RI1 kana Tlhomamiso).</p> <p>2.4: O ka kopa thuso mo morutabana wa gago wa sekolo sa tshipi fa o tlhoka thuso.</p>
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.

## Go ruta thuto ya sekolo sa tshipi mo lapeng

### O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. <i>Sekai:</i> Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto

### Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya sekolo sa tshipi.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Golosesa go tlhathemisa ka thuto e gore o nne le kitsa e e oketsegileng



# Thuto

<b>Setlhogo</b>	Maatla a tumelo
<b>Temana</b>	Luke 7:1-10

<b>Maikaelelo a thuto</b>	Bona ba itse gore ba ka tshepha Modimo. Fa ba mo kopa sengwe o tla a ba araba go ya ka thato ya gagwe
---------------------------	---

## Tshoboko ya thuto:

- Mookamedi yo e ne e le yo o eteletseng masole a le lekgolo a ma Roma. Ma Roma ba ne bas a dumele mo go Jeso mme mookamedi yo ene o ne a itse Jeso le se a se dirileng.
- O ne a se setlhogo mo bajuteng mme o ne a ba utlwela botlhoko.
- Mongwe wa bathanka ba gagwe a lwala thata, mme ga mo hutsafatsa. O ne a itse gore Jeso o na le dithata tsa go fodisa. A kopa bagolwane ba bajuta go ya ko go Jeso go kopa thuso. Mongwe wa bagolwane ba Bajuta a mo kopela ka gore ene o ne a humanegile thata.
- Jeso o ne a bata go ya ko ntlung ya molaodi, mme molaodi a bona a se na tshwanelo ya gore Morena a tsene mo ntlung ya gagwe, mme a re Jeso a bue mafoko a fodisang fela. O ne a dumela gore motlhanka wa gagwe o tla fodisiwa ke lefoko la ga Jeso le fa e le le lengwefela..
- Se se botlhokwa ke gore Molaodi o ne a supa tumelo ka gore o ne a re Jeso a bue lefoko fela.
- Jeso a retologela ko bathong a ba raya a re key one tumelo e a e batlang mo bathong, o batla re mo tshepha re ba re dumela mo go ene le Rraagwe yo kwa legodimong. Jeso a fodisa motlhanka.





## Thuto e e raya eng mo go rona tsatsi jeno?

- Re bana ba Modimo e bile re itse gore Modimo o na le maatla
- Re tshwanetse go tshepha Modimo gotlhelele.
- Re a itse gore re ka bolelela Rraarona wa legodimo tsotlhe tse di re tshwenyang.
- Re dumela gore o tla re direla tse di re tshwanetseng.
- Morena o batla gore re tshephe re bo re dumele ka pelo e tshwanang ya ngwana.

## Dipotso tse re ka di botsang

**Q:** Molaodi ke eng, lebelela setshwantso o tlhalose.

**A:** Ke lesole la maemo a ko go dimo la Moroma, yo o fang ditaelo.

**Q:** A e ne e le motho yo o bosula?

**A:** Nnyaa, o ne a siame mo Bajuteng le malata a gagwe.

**Q:** A o ne a tlotla Jeso?

**A:** Ee, ke ka moo a ne a bona a sena tshwanelo ya gore Morena a tsene mo ntlung ya gagwe.

**Q:** Jeso o fodisitse motlhanka jang?

**A:** Ka go bua mafoko... "Jaaka o dumetse a go nne jalo"

**Q:** Ke ka go reng Jeso a fodisitse motlhanka a say a ko ntlung ya Molaodi?

**A:** Jeso o ne a re: "Monna yo ruri o a ntshepha. Lefoko le le nosi le molekane. O dumela mo maatleng a me le fa a sa bona motholo o le mongwefela."

**Q:** Jeso a re re dire jang go tsena ko bogoding jwa gagwe?

**A:** Jeso a re re dumele mo go ene le go mo tshepha gotlhelele jaaka molaodi.





**Thapelo ya ga Rre le Mme le pele ga thuto:**

*Modimo o rategang, ke lebogela letsasti le*

*Segofatsa batsadi le bana botlhe*

*Mma re ikutlwele boleng teng jwa gago*

*Segofatsa thuto e re yang go e amogela*

*Re kopa o re rute go go direla*

*Re thuse go dira thato ya gago*

*Gore re golele gaufi le wena*

*Romela Jeso go tla go re tsaya*

*Mme re bo re ipaakanyeditse go mo kgatlhantsha*

*Amen*

